

衣服卑宮室爲天下惜財而不苟費制田里教樹藝薄稅歛使民家給人足是以己之有餘而奉天下也

是以聖人爲而不恃功成而不居其不欲見賢邪

聖人之功能蓋天下此有餘者也不恃其所爲之能而若無能不居其所成之功而若無功不欲顯示其功能之賢於人皆損己之有餘也

右第六十四章

天下柔弱莫過於水而攻堅強者莫之能先以其無以易之也金石至堅強然磨金石皆須用水是水爲攻堅強之第一物莫有能先之者雖欲以他物易之而無可易之者也

道藏輯要

道德真經註

卷

心集十

柔之勝剛弱之勝強天下莫不知而莫能行

水爲至柔弱之物而能攻至堅剛之金石此柔弱能勝剛強天下之人莫不知之而莫有能行柔弱之事者蓋歎之也

是以聖人云受國之垢是謂社稷主受國之不祥是謂天下王垢污穢也不祥不吉善也污穢不吉善人所恥賤以爲卑辱聖人則不然雖一國以污穢不吉善之名歸之己皆受之而不辭蓋能柔弱甘以卑辱自處非如剛強之人欲以尊榮上人也然神所歆享而可以主社稷民所嚮往而可以王天下剛強者神怒民叛而失國失天下柔弱者神祐民附有國存天下此柔弱勝剛強之效也

右第六十五章

正言若反

老子以反爲道之動德之玄故雖正言之每若反於正正而若反亦如明而若昧進而若退直而若屈巧而若拙之類蓋若昧乃所以爲明若退乃所以爲進若屈乃所以爲直若拙乃所以爲巧若反乃所以爲正下文言和怨者正欲救助善人而反不足以爲之此正言若反也舊本以此爲上章末句今按上章聖人云四句作結語意已完不應又綴一句於末他章並無此格絕學無憂章希言自然章皆以四字居首爲一章之綱下乃詳言之此章亦然又反怨善三字叶韻故知

道藏輯要

道德真經註

卷

心集十
八十三

此一句當爲起語也

和大怨必有餘怨安可以爲善

和平之也怨有所憤恨於人大怨其怨深至餘怨其怨藏宿於中而不盡爲如夫子爲衛君乎之爲猶言救助之也善善人也怨者兩相仇必和而後解兩善人自無怨而何待於和兩惡人有怨則惡貫滿盈而自相殘或一勝一負或俱傷兩敗旁人靜觀之可也惟善人不幸與惡人有怨善人平怨雖無仇惡人之心惡人忿恨必有仇善人之事惡人報怨則善人受害矣故有心救助善人者必須和其怨使之解仇釋憾意欲爲善人也然阻遏惡人報怨之心使不得逞中有藏宿

不盡之怨暫和於今暴發於後是今日之和怨不能已其他
日之報怨也而安可以爲善人乎
是以聖人執左契而不責於人

執左契不責於人無心待物也契者刻木爲券中分之各執
其一而合之以表信取財物於人曰責契有左右左契在主
財物者之所右契以付來取財物之人臨川王氏曰史記云
操右契以責事禮記云獻田宅者操右契則知左契爲受責
者之所執證謂執左契者已不責於人待人來責於己有持
右契來合者卽與之無心計較其人之善否和怨者有心於
爲善人也不若無心待物如執左契而不責於人靜中觀物

道藏輯要

道德真經註

卷

心集廿
XIII

而任其自然也

有德司契無德司徹

有德無心待物無德有心待物徹通也古法助法一井之田
分爲九區八家各受私田一區其中一區爲公田八家同耕
公田而各耕私田私田百畝所收或食九人或食八人或食
七人或食六人下食五人由其各家丁力多寡強弱不同故
也周改助爲徹法恐八家私田所收之不均故八家私田亦
令通力合作而均收之八家所得均平而無多寡之異司左
契者任人來取無心計較其人故曰有德司徹法者患其不
均有心計較故曰無德和怨者恐善人受害有心爲之亦如

司徹者有心於爲力弱之家恐其所得者寡矣

天道無親常與善人

與猶爲也聖人無心待物不遏惡人之報怨忍坐視善人之受害乎曰天道無所私親常救助善人聖人雖無心於爲善人而天常爲之必不令惡人得以肆毒也前言聖人不用刑而天殺惡人此言聖人不和怨而天爲善人老子之道無爲自然一付之天而已然天之殲惡祐善豈若人之有心哉惡者必禍善者必福理之自然而然而爾

右第六十六章

小國寡民使民有什伯之器而不用使民重死而不遠徙

道藏輯要

道德真經註

全

心集十
川文川

十人爲什百人爲伯什伯之器重大之器眾所共也不用者不營爲不貪求則重大之器無所用也重死者視死爲重事而愛養其生不遠徙者生於此死於此不他適也老子欲挽衰周復還太古國大則民衆難治得小國寡民而治之使其民毋慕於外自足於內如此也

雖有舟輿無所乘之雖有甲兵無所陳之

舟輿甲兵非一人所可獨用謂什伯之器也無所乘無所陳不用也無所往則無用乎舟輿無所爭則無用乎甲兵

使民復結繩而用之

民淳事簡上古結繩之治可復雖有書契亦可不用不但